

**KUMPUAN**  
RAM LEH HNAM  
HUMHALH

# YMA AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.46 18<sup>th</sup> Dec. 2011

## MI HARSA TE PUALIN CAROL NEIH A NI DAWN

*Chanmari West December 18 :* Branch Executive Committee in a lo rel tawh angin Zanin Inkhawmban hian Carol Service neih a ni dawn. YMA member zawng zawngte he huna tel theuh turin Branch YMA chuan a ngen.

He Carol Service hi Zan Inkhawmban hnu ah tan tura inbuatsaih a ni a, Dar 9-ah YMA member, nu leh pa leh a thei apiangte YMA Park-ah innghahkhawm tur a ni a. Programme hi Dar 9:30p.m atangin Pu Runa Mual atangin tan a ni ang.

Carol Service neih tur hi vengchhunga mi harsa te puala neih tur ni a. Section hrang hrangte'n mahni

section huamchhunga khawsak harsa mi engemawzat an thlanchhuah te hnenah tanpuina pek a ni dawn a ni. He hun hi abik takin memberte ngaipawimawh theuh turin Branch YMA chuan a ngen a ni. Kuminah chhiat tawhna vangin Section hrang hrangte'n Intihhlamna hun kan neih theih loh avangin he hun Branch pumhuap a nih angin ngaipawimawh hram hram turin committee chuan a ngen a ni.

### SECTIONSUMAUDIT

Ni.10.12.2011(Inrinni) khan kumin 2011 chhunga Section hrang hrang sum audit a ni a, Hetiang hi Section Account dinhmun a ni.

Section	Income	Expenditure	Balance
Chawngbawla	55,866.00	48,875.00	6,991.00
Taitesena	1,02,680.00	70,844.00	31,836.00
Vanapa	70,800.00	42,877.00	27,923.00
Khuangchera	1,00,517.00	93,072.00	7,445.00
Neuva	76,403.00	70,543.00	5,860.00
<b>Total</b>	<b>4,06,266.00</b>	<b>3,26,211.00</b>	<b>80,055.00</b>

### SAWMNA

Zanin a Branch YMA in Carol Service a buatsaih turah memberte a tam thei ang ber kal turin kan in sawm a. Zan dar 9:00-ah Park ah innghahkhawm tur a ni a, dar 9:30-ah Pu Runa mual-ah tanna neih tur a ni. Carol a tel turte chuan kan neih chhan hrereng chung leh a tawp thlenga tel tura beisei kan ni e.

Tin, hemi hunah hian nu leh pa te pawh a duh apiang tel tura sawm kan ni bawke.

(T. NGURKHUMA)  
President

(R.L. THANHNUNA)  
Secretary



Picture of the Week

## Branch News

Ni 13.12.2011(Thawhle) zana hruaitu thlanna neih tum chu vengchhungah chhiattawh kan awm avangin Ni 20.12.2011 ah a hmun ngaiah inthlanna hi neih zawk tur a ni e.

Kan Branch Office Bearer turte thlanna Zawlbuk-a kan neih turah member am thei ang ber kal tura ngen kan ni e.

Ni 20.12.2011(Thawhle) zana inthlanna kan neih turah Returning Officer atan Pu Lalchungnunga, Ex-President CYMA chu ruat a ni.

Ni 17.12.2011 zan atang khan Section tinah YMA te duty tan a ni a, buaina leh harsatna neite chuan, mahni Section duty te hriattir vat tur a ni e.

Krismas leh kumthar vuakvet chhunga vengchhunga buaina siamte chu a tul dan a zirin Police-ah pek zel tum a ni

Nimin Ni 17.12.2011(Inrinni) Dar 2:00p.m khan Branch Executive Committee ten kum tawp Committee Zawlbuk-ah an nei.

Nimin khan Local Council Roll Hearing Indoor Stadium-ah neih a ni a, he hearing neihna ah hian YMA te duty a ni.

Ni 16.12.2012(Zirtawp) zana CVTTP in hruaitu tha tak tak an thlangchhuak chu an lawmpuiin an kal zelna turah duhsakna an hlan.

### LUSUNKHAWHAR

Ni.11.12.2011(Pathianni) zan Dar 6:00 khan Lalbiakdika S/o Lalremruati 'CH'-Section chu a boral a, khawhar chhungte Br. YMA chuan a tuarpui takzet a ni.



### TUNKAR CHANGVAWN

Thil sual tih vanga tawrh ai chuan | Pathian remtihzawng a nih chuan thil | tha tih vanga tuar hi a tha zawk si a. | I Petera 3:17

### Editorial Board

#### Editor

RK.Rozidinga  
9436142304

#### Joint Editor :

RK. Malsawmkima  
9862578441

#### News Editor

Tv. Thangkuma  
9862303135

Pu Vanlalhluta  
9862366308

Tv. Vanlalfawna  
9856301975

#### Cir.Manager

Johny Lalthanpuia  
9612359161

Jacob Lalrinsanga  
9612319779

#### Production

Manager  
R.Lalhmachhuana  
9436151817

### Branch Office Bearer

#### President

T.Ngurkhuma  
9436190843

#### Vice President

R.Lalhmachhuana  
9436151817

#### Secretary

RL.Thanhnuna  
9436152760

#### Asst. Secretary

K.Darthanthuanga  
9436196071

#### Treasurer

C.Lalzarliana  
9436142049

#### Fin.Secretary

Lalthuamluaia  
9612216649

#### Advisers

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khiangte

**Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5**

**Editorial :** Kumtawp kan lo hnaih leh ta hle mai a, hetihlai hian mi tlawmngai leh zia k mite zarah Article leh SMS tha tak tak kan dawngin chhuahsen loh nilo a tawk chiah chiah zelin tlawmnga min rawh hlui thin hi lawmthu kan sawi mawlh mawlh a ni. Khang thu leh hla kan han tarlan takah te khan tute emaw rilrem loh zawng leh midang tana pawl, lo tarlan palh te pawh kan nei nawk mahna, chhiartu zawng zawngte leh thu leh hla min hlui tu te in mi ngaihthiamna kan ngen duhin Kristmas hlim taka in hman theih nan duhsakna kan hlan mawlh mawlh a che u.

### Article : CHANMARI WEST VRS FOOTBALL

- The Gunners

Ka lo vei ve em em thin leh ka rualawh ve na em em thin Tv.Mangeta'n arawn thailang hlawl mai hi a lawmawm a, veng tana a thahnem ngaihna a ni tih hria a, player te pawh in huatthu a la mai lova kan diklohna lai ah te insiamthat nan hmang theuh ila hma kan sawn nghal ang tih hi Johan a zia k tlukin kei chuan ka pawm thlap a, Chanmari West mipui leh player te ngei pawhin in pawm ve ka ring. Hetia vengchhung hmasawna a tana mi huat pawh pawl ti lova arawn zia k ngam hi amah mangheta tak pawh hi fakawm ka ti. Thil thalo kan hmu reng chung pawh a mi mitmei ven vang leh mihuat hlauh hlauh vanga kan in tha en liam mai mai hian kan veng hian hma kan sawn dawn lo reng reng tih a chiang baw k a ni. Tlawmngaih chhuah a football lo enkawl tawh tu te pawh in huatthu a la mai lova ,thahnem ngaihna leh rual elna a ni tih min lo hriatsak hmasa turin ka duh a ni.

Kan hriat theuh angin football khel tue chuan player, coach, manager, organising body (sporting club / football sub-committee) a awm a ngai a, he ta kan organising body sporting club a ni emaw football sub-committee a ni emaw an ni hi chuan an tih tur an ti thawkhatin ka hria. Engpawh ti dawn ilaa hmasa berah chuan sum hi a pawimawh hmasa kan ti lo thei lovang. football boot, jersey, mawza, football etc. neih/lei a ngai a, an hlauh tur te chu sawi tello ta zawk ila. Heta player te mamawh tur zualpui chu kan hruaitu ten theitawp chhuahin an sum leh pai leh tha tam tak sengin an ngaihtuah ve hram hram thin a ni. An fakawm, an dinhmun leh harsatna te hria aveng chhung a ti thei deuh te hian he kan mamawh sum leh pai hi veng chhung hmasawn nan han thehchhuak phal leh zual se kan va zangkhai phahin hma kan va sawn phah nasa dawn em.

Tum loh lamah kan pengkual nasa ta mah mah ka lo vei ve pakhat chu coach / manager chungchang hi a ni a. Thildang a pawimawh lo tihna ni lo in coach / manager kan dah fuh leh fuh loh hian kan champion leh champion loh kan dinhmun tur chu a hril thui em em a ni. Kan hmuh leh kan hriat theuh angin Man.Utd chuan Sir Alex Ferguson an nei a, an champion thin, chutiang bawkin Barcelona, Real Madrid, Arsenal etc. te pawh in an coach te an lo champion phah tawh thin ani. An chak theih loh deuh leh an chetchhiat reng chuan an player te ni lo in an coach te an ban / thlak thin. Hei hian team chak leh chak lohah coach ten mawh an phur ber tih ati chiang em em a ni. An la thlen ngai loh Korea chuan World Cup-ah Quarter Final an thleng nawlh mai a, khawvel an barakhaih a ni. An player te leh ram tanrualna chu thu hran nise, an coach Guss Hiddink vang kan ti lo thei lovang. Chutiang deuh chuan Pu Vanlalchhandama pawhin veng pawn player chhawr miah lovin first division min dahkai theih kha mawle.

Coach / Manager ni tur hian mawhphurhna a sang em em a, hriatzau leh fin a ngai a, fitness ringawt pawh hi buaipui tham

a awm a, football khel tur engtinng exercise kan pek ang, judo, karate, volley ball etc. khel tur pawhin exercise pek dan a dang vek a ni. Chutiang zawng zawng kan tih hnu ah pawh a aia thluak sen ngai zawk a la awm cheu. Engtiangin nge kan khel tir ang, eng formation nge hmang ila

tha ang. Kan forward te hian engtin nge kan khingpuite defencekan thiah theih ang, kan mid-field ten engtin nge game an sawi kual anga engtin nge kan defence te lehforward te nen an thawh ho ang. Engtinng kan beih ang. Long ball nge short pass kan hman ang. Lo chak emaw chaklo ta deuh ioa engtinng game kan siksawi ang, substitution lak thleng hian hriat leh uluk a ngai a, kan khingpui te a zira game siksawi leh thlak te pawh a ngaih chang a awm thin baw k a ni. Sawi tur leh hriat tur a tam lutuk a, kan sawi vek seng lovang, kan player theihna chin leh psychology thleng a kan hriat leh chhawt thian a ngai.

Chutiang a nih a vang chuan he kan mu tan sutkianna pawimawh ber pakhat chu coach / manager neih fuh leh uluk hi a ni khawp mai. Tuna coach tha kan hmuh leh hriat te hi an vanglaia football player an nih loh vek pawh in coaching staff a hun lo hmang tawh coachtha hnuai a lo khawsa tawh an ni thin. Real Madrid, Jose Mourinho te pawh hi Sir Bobby Robson a hnuai a practical a lo awm tawh a ni tih lo hre baw k ila.

Tichuan, veng chhungin Tournament kan hmachhawn leh dawnin leh sporting club te pawhin football team hlawhtling kan neih dawn chuan coach tha ngaihtuah ila, hun chawpchilh lutuk loah fitness leh ngaihtuahna te inpeih fel hman turin ruat ila, a kutah engkim dah ngam ila, player thlan leh enkawl chungchang ah pawh mawhphurhna pe ngam ila, an mamawh tur te vengchhung mi te leh organising body / football sub-committee te hian ngaihtuah ta zawk ila. Tlawmngaih chhuah a mithahnemngai tlawmngai thei tu emaw enkawl tir mai lo hian Chanmari West hi Mizoram Football Champion kan la ni ve ngei ang.

**TAITESENA**

☞ Vawiin Chawhma inkhawmban hian YMAAW semtu leh Mitthi buhfai khawntu zawng zawngte Leader Pu C.Lalmuankima inah kimtaka kalkhawm tur a ni e.

☞ Section hruaitu zawng zawngte Leader Pu C.Lalmuankima te inah YMAAW semtu leh Mitthi buhfai khawntute kohkhawmna ah hian kal vek tura hriattir kan ni e.

☞ Ni 20.12.2011(Thawhle) zana 2012 Branch YMA hruaitu thlanna neih hunah membete kal tum theuh turin an in ngen. Member 50 tal tlin kan ngaih kha.

☞ Nizan (17.12.2011) atang khan Section chhungah duty tan a ni a. Membete thahnemngai taka duty chhunzawm tum theuh turin an in ngen.

☞ Zanin inkhawmban a Branch YMA in Carol (Mi harsate pualin) a buatsaih turah member zawng zawngte kal tum theuh turin an in ngen.

☞ Nizan atang khan Section chhungah Duty tan a ni a, Duty na hmun hmantirtu Pu Ma-awma hnenah lawmthu an sawi. Duty na hmun hi Pu C.Lalmuankima (Leader) te in kawt a ni.

☞ Kawngpui kama awm leh dawr neiten mahni inbul leh dawr bul Side-drain te tihfai thin nise a lawmawm ngawt ang.

**VANAPA**

☞ Branch in thlanna ah member zawng zawng te kal theuh turin an in chah a. Sanitation mawhpurhna a ruat te Dar 6:15 ah chuan kim vek tur a beisei a hruaitute phei chu a hmahruai tu ni ngei turin an in chah. In chhiar na ah member 50 tal tlin a ngaih avangin member te thahnemngai taka tan hma ngei a thleng turin an in chah.

☞ Zanin Carol na ah member te tel theuh turin an in chah.

☞ Nimin (Inrinni) khan Section hnatlang koh ani a, Tawlailir (Thela) dahna leh Duty Post Pu Lalramhluna Hauhnar te in chungah ani.

☞ Zirtawpni khan Municipal Roll hearing neih na ah Leader Pu VL Thakima a Duty.

☞ Nizan atang khan Section Duty neih tan ani a, Section chhungah thilbo a awm leh zauh zauh a, mi motor khawih ching, leh midang tana hnawksak te sim turin an in hrihlawk ani, thilbo leh buaina etc. ah heng phone No. 9436195702, 9436197506, 9436155100 ah te bakah Section hruaitu hrang hrang te hnenah report thuai turin an in chah.

(V-Section Report chhunzawmna)

☞ Pu Ngulliana, Pi Lalzami m/o Tv Zohmingliana, Pu Thangseia te nupa te, in lamah an inenkawl mek a, damtlang taka Christmas an hman ngei an duhsak.

**KHUANGCHERA**

☞ Ni 17.12.2011(Inrinni) khan Pu K. Lalengmawia (L) inchungah Duty Buk siam in an hnatlang a, hmun phal taka hmingtirtu te chhungkaw chungah lawmthu an sawi. Krismas leh Kumthar vuakvetah mi awm tha duh lo leh buaina siam an awm chuan an dim dawn lo.

☞ Section huamchhungah ruihtheih thil zawrh leh ruih khap tlat a ni. Ti lui an awm chuan an awmna hmunah kal chilh a ni anga, Section hruaitute an chingfel nghal ang.

☞ Krismas leh Kumthar hlim taka hmang turin chhungtinte duhsakna an hlan.

**CHAWNGBAWLA**

☞ Inrinni zan khan Section Duty Post chu luah tan a ni a, a hmun hi Pu Vana inhnuai dawrah a ni. Kumthar thleng duty hi ngawrh taka neih tum a in a, zu rui bengchheng leh buaina siam te chu Police hnenah pek hmiah hmiah an ni ang.

☞ Kar hmasa Inrinni leh tun Inrinni khan Section chhung tifai-a hnatlan a ni, member an thawkchhuak tha hle.

☞ An member Tv. Lalbiakdika S/o Pi Lalremruati chuan thawhah avangin ni 11.12.2011 khan a boral sana, a kalsan tak a chhungte an tawrhpu hle.

☞ Hun remchang hmasa berah kumtawp Section Committee koh tum a ni.

**NEUVA**

☞ Ni 16.12.2011(Zirtawpni) zing kar khan Pasaltha Neuva Run bul Culvert lungremna tur lain an hnatlang, lungrem hna tan nghal a ni.

☞ Ni 20.12.2011 (Thawhtan) zana Kum 2012 Branch O.B thlanna neih turah member a tam thei ang ber kal turin an in ngen.

☞ Pu R. Lalnuntluanga'n bawlhhlawh haina thir kut tha tak Section a pe chu an lawm hle.

☞ Zanin Inkhawm ban-a Branch Carol Service neih turah Section aiawha tel tur zawng zawngte dar 9:00-ah YMA Park-ah kim vek tur.

(N-Section Report chhunzawmna)

☞ Ni 16.12.2011(Zirtawp) zan khan Duty hawmna neih a ni a, Krismas leh Kumthar vuakvetah tlawmngaia Duty tura ruat zawng zawngte ngai pawimawh turin an in ngen. Duty Post atan hian Pasaltha Neuva Run leh Sairang Road-a Pu Ramfangzauva H/o Pi Biakhluni kawt hman a ni.

**ZCC NEWS**

☞ An Oresident Pu Zonunsanga nupui Pi Lalrinmawii Synod Hospital Durtlang-a awm chu dam taka alo chhuah leh thuai an duhsak.

☞ Song & Drama Programme-in Khawzawl-ah an zin a, tuang takin an programme an hmang zo thei.

☞ Z.C.C member zawng zawngte hlim leh lawm taka Krismas leh Kumthar hmang turin duhsakna an hlan.

**CVTTP NEWS**

☞ Ni 16.12.2011(Zirtawp) zan khan Library-ah kum 2012 chhung atana hruaitu tur thlanna R.O Pu T.Ngurkhuma, President CWBYMA kaihhruaina in neih a ni a, heng mite hi thlanchhuah an ni.

President : Pu Thanseia

V.President : Pu Nundanga

Gen.Secy : Pu K.Pahlira

Asst Secy : Pu T.Lalrinawma

Treasurer : Pu Lalbiakliana

Fin.Secy : Nl.H.Vanlalhruii

Librarian : Pu P.C.Lalchhanhima

Property I/C : Pu R.Lalbiakluanga

☞ Inthlan neihna ah hian lawmman hrang hrang hetiang hian sema ni bawk.

Lehkhabu hawh tamte :-

1. Vanlalruati T-Sect. :- 80

2. Lalawmpuii T-Sect. :- 59

3. Sadingpuia V-Sect. :- 50

Committee kalkim :-

Pu Thanseia, Pu Nundanga, Pu P.C.Lalchhanhima, Pu Lalbiakliana, Pu Lalrindika Ralte, Pu Lalthanzama leh Nl.H.Vanlalhruii.

**MUP NEWS**

☞ Ni 16.12.2011(Zirtawp) zan khan Advance Christmas neih a ni a. He hunah hian member leh nu leh pa leh pavalait an tel thahnem hle.

☞ Advance Christmas an hmanna a hun hmanpuitu zawng zawng te leh member thawkchhuak zawng zawngte hnenah lawmthu an sawi a, he hun an hman hi zawngchhangthlak an tiin hlimawm an ti hle.

**CENTRAL YMA  
THUCHHUAK**

**(Halpuah, Halmawi leh Naupang  
silai lem zawrh leh hallo tura  
mipuite hnena ngenna)**

Mizoram Sorkar chuan kum 2011 Krismas leh Kumthar 2012 vuakvetah Halpuah leh Halmawi zawrh leh hal a khap a. Halpuah leh Halmawite hi mihringte tana tangkaina nei lo, hriselna tichhe thei, a lo thlawna sum tam tak sen ralna a nih baw avangin, Central YMA chuan mitinte Halpuah leh Halmawi zuar lo tur leh hal lo turin a ngen a, Sub-Hqrs./Group leh Branch zawng zawngte mahni huamchhung theuhva hma lo la turin kan inngen baw a ni.

Tin, Silai lem a mu kahchhuah theih naupangin an hmang thin hi Central YMA chuan tha lo a ti baw a, heng silai lem hi mi tam takin chhiat phah nan an hman tawh avangin, an fate lei sak lo turin nu leh pate kan ngen baw a ni.

Sd/- VANLALRUATA  
General Secretary,  
Central YMA

**Keimahni :- Ed.Board**

☞ Zofa Cultural Club (ZCC) ten kan thingpui in na tur Rs. 300/- lai mai minrawn pe a, an chungah kan lawm takzet a ni.

☞ L.S.Bakery te pawhin Christmas Cake tuihnai leh lian tha tak mai minrawn chhawp sak a, kan puarin kan lawm tak meuh meuh a ni.

☞ Kan Circulation Manager Tv.Johny Lalthanpuia natna in a tlakbuak chu paw kan tihpuin Christmas leh Kumthar hu hlimtaka a hman theihna tura a dam leh thuai kan duhsak hle.

☞ Section hrang hrang hruaitu leh mimal YMAAW kan buaipuina a min tawiwma thin tute chungah lawmthu kan sawi a. Christmas leh Kumthar hun hlimawm taka hmang turin duhsakna kan hlan a che u.

**LODESTAR SCHOOL**

**Admission Opened  
For 2012 Session**

**KG-I to Class VIII**

**Free Admission for KG-I**

**Contact :**

**0389-2340281/9862711823**

(1-4)

**YMA Park leh Zawlbuk  
kawtah eng motor mah  
park phal a ni lo.**

**YMA PARK & ZAWLBUK**

**YMA Park-ah leh Zawlbuk  
kawtah** hian eng motor mah zanriak a dah phal a ni lo. Tunlai hian Private motor, Taxi leh motor dang riah kan la awm fo mai a. Hei hi Branch YMA chuan a remti lo a ni tih mipuite kan inhriattir nawn leh e. Dah lui leh kan awm a nih chuan in motor number tarlan tawh a ni ang a heng bakah hian thuneitute hnenah thlenin hnuhsawsak in ni tawh ang.

**NEW HORIZON  
SCHOOL OF EDUCATION  
Day & Residential School  
Admission Opened**

for 2012 Session

**Class I - XII (Arts)  
Special Features :**

\* *International Standard  
Digital Learning Technology  
hmanga zirtirna school*  
\* **Offers Spoken English &  
Hindi**

\* **English Accent Training Class**  
\* **Co-scholastic activities tangkain  
ngah ber School**

\* **Kumtin Board Exam Result  
tha kan nei thin**  
**Class hniam ber Class - I tan  
Free**

**Admission + free frock/trouser**

**Contact : (0389) 2346362**

(3-9)

**L.S. BAKERY**

Christmas leh Kumthar i hman nawm theih nan hengte hi kan chhawpchhuak ta e. **CAKE** tui ber ber *Fresh Cream* tui tak taka siam hi rawn kalin i duh ang Flavour rawn thlang ve ta che. Nuam lehzuala i hman theih nan **ARSA** pum kan dressing sak kan hemhmin sak thei baw che.

Hlim leh tlai taka Christmas leh Kumthar hmang turin duhsakna sangber kan hlan a che.

L.S. Bakery  
Neuva Section  
(0389) 2344772

**HETAH HIAN SMS LA**

>>>8794162539<<<

☞ Ka thalaipui Nula leh Tlangval te, khawhar in kan kal chhan hi i chiang teh ang u. Ti ti nan leh mobile phone khawih nan hun kan hmang nasa lutuk hi chu a zialo deuh ania. Zai tha peih pawh kan awm lo, Pathian faka zaia khawhar lusun hnem tura khawharin kal kan ni tih i hre thar leh ang u.

**986243\_\_80**

☞ Kristmas leh Kumthar vuakvet ah kan duty leh dawn a, hetihlai hian keimahni theuh pawh hi i in enchiang ang u. Kan vengchhung/Section chhungah ruihhlo zuar kan awm em? Ienfiah hmasa ila kan fihlim ngei ang.

**961215\_\_30**

☞ Veng aiawha Football/Volleyball khela chhuak thinte hi an khawhar thin khawp mai. Nu leh pa khawtlang hian tawiwam ve thin tawh ila a nuam deuh ngei ang. Mi veng te hi chu an in au phur thin asin.

**985600\_\_21**

☞ Tunlaiin RUKRUK a lar leh ta hle mai, mitin i fimkhur lehzuang u. Kan in kan chhuahsan in kawng tha takin kalh thin ila, Se bo hnua Se kawng khar mai lovin.

**943636\_\_89**

☞ Kan mamawhna hria a kan Bialtu MLA in Zawlbuk sakna tur sum min pe hi a lawmawm hle mai. Hetihlai hian Central Road a tlang theilo hi chu kan Local Council hruaitute hian hmalak dan inhre mial lo maw.

**897612\_\_35**

☞ Hun engemaw chen atang khan kan vengchhungah Sipai Qouta 'Zu senchi' hralh chhawng thin an awm an ti fo mai a, hengte hi engtia tih chi nge ni ang. Zu zuar an ni ve tho si a. Hmalak theih dan a awm lo maw.

**943636\_\_78**

☞ Section report-a chumi lai/chumi hmuna bengchheng leh zurui tih fo mai hi a ninawm ta hle mai. Hruaitute'n zilhlak ula a ni mai lawm ni. Nu leh pa te pawh hian kan fate i khuahkhirh thar leh ang u.

**986236\_\_75**

☞ YMA ten Carol Service an buatsaih chhan hi a va han tha tak em. Memberte thahnemngai takin kal i tum teh ang u.

**943635\_\_95**

☞ N-Section Pu G.Zama in leh LS Bakery inkar Side-drain a bawlhhlawh paih thinte khan i sim tawh ang u. Thlanglam tan leh kawnga kalte tan a rimchhe hle mai.

**977562\_\_65**

(SMS kan dawn te hi Ed. Bd ngaihdan a ni vek kher lo)